

Klub Stranke Demokratske Akcije BiH u Skupštini Kantona Sarajevo

Bosna i Hercegovina
Federacija Bosne i Hereegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Javna ustanova „Memorijalni centar Sarajevo“,

PREDMET: ZASTUPNIČKA PITANJA

Poštovani,

Upućujem zastupničko pitanje Javnoj ustanovi „Fond Memorijala Kantona Sarajevo“ i tražim da mi se dostavi:

1. spisak svih zaposlenika u JU „Fond Memorijala Kantona Sarajevo“ koji su zasnovali radni odnos u mandatu aktuelnog direktora Ahemeda Kulanića sa detaljnim informacija u odnosu na:
 - način zasnivanja radnog odnosa (radni odnos na neodređeno ili određeno vrijeme sa naznakom perioda trajanja radnog odnosa u slučaju radnog odnosa na određeno vrijeme),
 - naznakom radnog mjesta na koje je svaki zaposlenik primljen odnosno raspoređen,
 - razlogom popunjavanja radnog mjesta uz precizno i detaljno pojašnjenje:
 - a) kada je radno mjesto sistematizovano,
 - b) da li je radno mjesto bilo prethodno upražnjeno/nepopunjeno,
 - c) od kada je radno mjesto bilo upražnjeno,
 - d) koji je razlog upražnjenosti radnog mjesta, da li je radno mjesto postalo upražnjeno zbog toga što na to radno mjesto prethodno niko nije bio raspoređen ili zbog prethodno izvršenog raspoređivanje zatečenih/postojećih radnika na neka druga radna mjesta. Ukoliko je radno mjesto postalo upražnjeno zbog rasporeživanja zatečenih radnika na druga radna mjesta, tražim da mi se dostavi informacija o tome na koja radna mjesta su radnici koji su prethodno obavljali te poslove raspoređeni i da li se radilo o zahtjevu radnika za raspoređivanje na drugo radno mjesto ili je raspoređivanje/premještaj izvršen na osnovu odluke nekog organa Fonda (direktora, Upravnog odbora i sl.) bez prethodne saglasnosti ili pristanka radnika?
 - e) postoje li slučajevi zasnivanja radnog odnosa u periodu aktuelnog direktora na osnovu sporazumnog preuzimanja radnika iz drugog pravnog subjekta (privredni subjekt, ustanova i sl.) odnosno zasnivanja radnog odnosa na bilo koji drugi način izuzev prethodnog provođenja procedure javnog oglašavanja? Ukoliko takvi slučajevi postoje tražim da mi se dostavi informacija o kojim radnicima se radi, na koja radna mjesta su raspoređeni i iz kojih ustanova su preuzeti?

2. Koliko je ukupno radnika zasnovalo radni odnos u mandatu aktuelnog direktora, koliko na neodređeno, a koliko na određeno vrijeme?
3. Da li je u svim slučajevima zasnivanja radnog odnosa pribavljena saglasnost Vlade Kantona Sarajevo za prijemu radni odnos?
4. Da li je i koliko osoba u mandatu aktuelnog direktora angažovano, bez zasnivanja radnog odnosa, za obavljanje poslova za potrebe Fonda (ugovor o djelu, ugovor o privremenim i povremenim poslovima ili bilo koji drugi oblik ugovornog angažmana), ukoliko jeste o kojim osobama se radi, za koje poslove su angažovani, koji iznos sredstava je isplaćen za angažman u svakom konkretnom slučaju i koliko je ukupno finansijskih sredstava u mandatu aktuelnog direktora utrošeno za takve angažmane?
5. Koliko radnika je u JU „Fond Memorijala Kantona Sarajevo“ bilo zaposleno u periodu prije imenovanja aktuelnog direktora Fonda-a?
6. Koji broj radnika je bio predviđen sistematizacijom radnih mjesta koja je važila prije imenovanja aktuelnog direktora na funkciju/dužnost, a koliko sistematizacijom koja je usvojena u mandatu aktuelnog direktora? Ukoliko postoji razlika u broju radnika koja podržavaju veći broj radnika tražim da mi se dostavi informacija o razlozima povećanja broja radnika.
7. Da li je u mandatu aktuelnog direktora bilo zaprimljenih prijava radnika kojima se ukazuje na kršenje njihovih prava iz radnog odnosa ili po nekom drugom osnovu (povreda digniteta, dostojanstva i ličnosti radnika, mobing, diskriminacija i sl.) i ukoliko je takvih prijava bilo tražim da mi se dostavi informacija o ishodu postupaka po tim prijavama?
8. Da li je u mandatu aktuelnog direktora kroz donošenje Pravilnika o unutrašnjoj organizaciji i sistematizaciji radnih mjesta ili nekim drugim aktom vršeno ukidanje ranije postojećih radnih mjesta, ukoliko jeste koji su razlozi za ukidanje tih radnih mjesta i kakav je radno-pravni status radnika koji su u trenutku ukidanja tih radnih mjesta vršili poslove ukinutih radnih mjesta, da li je raspoređivanje radnika na druga radna mjesta imalo za posljedicu umanjene njihove plate, profesionalno nazadovanje u smislu raspoređivanja na nižu poziciju, da li su radnici koji su raspoređeni na druga radna mjesta podnošenjem žalbe ili prigovora, odnosno korištenjem nekog drugog pravnog lijeka, tražili zaštitu svojih radničkih prava i ukoliko jesu kakav je bio ishod tih postupaka po žalbama/prigovorima?
9. Da li je u mandatu aktuelnog direktora od strane radnika bilo pokretanja sudskih postupaka u cilju zaštite njihovih prava iz radnog odnosa ili po nekom drugom osnovu i ukoliko jeste tražim da mi se pojasne razlozi pokretanja sudskih postupaka, kao i da mi se dostavi informacija da li su u tim slučajevima donesene sudske presude i ukoliko jesu, da li su presude bile u korist radnika ili Fonda?
10. Da li su u JU „Memorijalni centar Sarajevo“ u mandatu aktuelnog direktora vršeni inspekcijски nadzori i ukoliko jesu, tražim da mi se dostavi odgovor na pitanje po kojem osnovu su isti vršeni, koje inspekcije su vršile inspekcijски nadzor, šta je utvrđeno u inspekcijskom nadzoru, da li su inspekcijски organi Fondu nalagali neke upravne mjere i ukoliko jesu o kojim mjerama se radi?
11. Da li su inspekcijски organi nakon izvršenog inspekcijskog nadzora prema Fondu izricali prekršajne mjere i ukoliko jeste iz kojih razloga. Ukoliko je bilo izricanja prekršajnih, odnosno



novčanih kazni tražim da mi se dostavi informacija koji iznos sredstava je Fond eventualno platio na ime izrečenih prekršajnih kazni?

12. Da li je u mandatu aktuelnog direktora bilo otvorenih bolovanja radnika i ukoliko jeste o kojem broju radnika se radi, da li su razlozi bolovanja povezana sa obavljanjem poslova radnog mjesta, odnosno da li je prema tvrdnjama radnika bolovanje rezultat izloženosti stresu na radnom mjestu, posjedica vršenja mobinga, diskriminacije ili neke druge nedozvoljne radnje?

S poštovanjem,

Mahir Dević, *šef Kluba SDA*

Sarajevo, 15/03/2024